



PRESIDÊNCIA DO  
CONSELHO  
DE MINISTROS

VI GOVERNO CONSTITUCIONAL  
GABINETE DO MINISTRO DE ESTADO E DA PRESIDÊNCIA DO CONSELHO DE  
MINISTROS

Kristu-Rei, loron 25 fulan-abríl tinan 2017

Ohin, iha fatin barak iha mundu, iha loro-matan nia okos, iha manifestasaun oin-oin husi australianu no neozelandés sira, ne'ebé halibur hamutuk atu fó onra ba mane ho feto sira husi sira-nia Forsa Armada sira.

No iha serimónia atus ba atus, hanesan ida ne'e, sidadaun sira husi nasaun seluk sei hamutuk iha sira-nia sorin atu, ho simplisidade, hatudu sira-nia solidariedade no respeito.

Mai ha'u hanesan onra ida, iha dadeersan loron ANZAC nian ida ne'e, halo diskursu hodi Governu Timor-Leste nia naran.

Iha momentu importante ida ne'e, bainhira ita iha ne'e, veteranu sira husi aminia luta ne'ebé naruk no nakonu ho terus ba independénsia halibur malu ho elementu sira husi Forsa Armada Australiana nian, iha Yass, Hobart no Brisbane.

Oraoras tañ, kombatente antigu balun husi FALINTIL sei halo marxa iha dalan sira iha Brisbane hamutuk ho membru sira husi Forsa Armada australianu no neozelandés sira, ne'ebé hola parte iha komemorasaun sira ANZAC nian iha sidade ne'ebá.





PRESIDÊNCIA DO  
CONSELHO  
DE MINISTROS

Sira halo ida ne'e tanba amizade no tanba atu fahe istória militar nian ida komún

Besik tinan 75 liubá, iha dadeersan loro-matan sa'e iha Dili, soldadu australianu besik 300, ne'ebé koloka iha foho sira ne'ebé besik iha fatin ne'ebé ita halibur malu daudaun ne'e, envolve iha intervensaun ida besik tinan ida nia laran no tuba hasoru atake husi soldadu japonés 10.000 resin. Sira-nia esforsu mak asuwa'in tebes.

Uitoan Husi australianu sira ne'e, ne'ebé sei moris hela kontinua haktuir mai ita katak, laho apoiu husi timoroan sira karik, ema ne'ebé mate sei sai barak liután.

No hotu-hotu hatene ona iha momentu ne'ebá katak apoiu husi populasun no foin-sa'e timoroan sira, hodi fó han no hela-fatin, lori aihan no sai hanesan matadalan, sei fó todan boot mai ami timoroan sira.

Iha tinan 1943, bainhira komando australianu sira foti-ain husi timór, timoroan besik 60.000 liu maka mate, durante okupasaun japoneza, ne'ebé dura to'o funu ne'e remata.

Soldadu australianu sira ne'e barak, maka hatene di'ak kona-ba trajédia ne'e, pasa restu husi sira-nia moris ne'e kaer metin hela iha sentimentu ida katak sira iha "tusan onra nian" ne'ebé debe hela husi ami-nia povu.

Sira-nia domin ba Timor moris nafatin, iha serbisu no interese ne'ebé hatudu ona husi sira-nia família, iha sira-nia oan no bei-oan sira lori sira-nia misaun ne'e ba oin nafatin.





PRESIDÊNCIA DO  
CONSELHO  
DE MINISTROS

Iha loron-sesta liubá, ami-nia veteranu balun halo viajen ba to'o parte norte Queensland nian no vizita Baze Militar Lavarack nian, iha Townsville, parte seluk husi istória ne'ebé maka ita fahe ho australianu sira.

Baze militar ne'e maka sai nu'udar Kuartel-Jenerál Brigada da-3 nian, ne'ebé hanesan sentru mobilizasaun INTERFET nian ne'ebé mai iha Timor-Leste iha tinan 1999; no mós, iha tinan 2006, husi Operasaun Astute.

Mobilizasaun hirak ne'e mak ami-nia povu simu. Sira ajuda ona ami hodi hamenus konflitu sira no harii fila-fali ambiente seguransa nian ida ne'ebé estavel.

Forsa Defeza Zelândia Foun nian mobiliza ona número ne'ebé boot husi Forsa Mariña, Forsa Aérea no Ezérsitu, ne'ebé integra iha INTERFET, no envolve ona mós iha esforsu sira ba estabilizasaun hafoin tinan 2006.

Forsa Armada sira husi nasaun rua ne'e fó ona sira-nia kontribuisaun ne'ebé boot tebes, iha treinu no apoiu ba ami-nia instituisaun nasionál sira seguransa nian.

Ohin, bainhira ita hanoin hikas fetu no mane sira husi Forsa Armada Australiana no Neozelandeza sira, ita refleto kona-ba sira-nia espíritu sakrifísiu nian. No bainhira ita hanoin fila-fali ita-nia asuwa'in nasionál sira, ita rekoñese katak, laho sira karik, ita sei labele goza liberdade ne'ebé mak ita iha daudaun.

Maske nune'e, iha refleksaun ida ne'e, ita realista kona-ba signifíkadu husi konflitu sira:





PRESIDÊNCIA DO  
CONSELHO  
DE MINISTROS

Ita hatene konflitu sira-nia parte ladi'ak sira, destruisaun no ninia konsekuénsia sira, fitar sira ne'ebé husik mai ita no la lakon husi otas ba otas.

No bainhira ita hanoin kona buat sira ne'e, ita agradese ba pás no ba ema sira ne'ebé maka defende pás.

Ne'ebé mak ita labele haluha.....

